



Dessin Laurine Teraiarue

Il est vital

Que le māōhi connaisse l'origine de la vie, qu'il protège la vie et respecte autrui dans sa différence tant ethnique que culturelle, sociale et morale, et que sa langue, le māōhi, soit préservée...

Ce sont là quelques-unes des actions essentielles entreprises, au nom de l'évangile, par les premiers missionnaires arrivés dans le pays, le 5 mars 1797. En effet, porter l'évangile, bonne nouvelle de l'amour de Dieu, devenue homme en la personne du Seigneur Jésus-Christ, à d'autres peuples, était une conviction chère à la Société des Missions Évangéliques de Londres, au 18^{ème} siècle. Aussi, envoya-t-elle en mission par le «Duff» un groupe d'évangélistes que les habitants de la Polynésie virent débarquer dans la baie de Matavai. Aujourd'hui, 199 ans après, oserions nous dire que l'annonce de l'évangile est encore d'actualité, donc, à perpétuer en Polynésie, dans le Pacifique et dans le monde ? L'évangile représenterait-il un élément vital, nécessaire, incontournable et incontournable pour nous, pour notre vie et pour l'histoire de la Polynésie ? Toutefois, en regardant ce qui se passe ici et ailleurs, les attentats meurtriers qui dérobent la vie à beaucoup d'enfants et d'innocents, comme la violation des droits de l'homme et les persécutions à mort, la politique axée sur l'individualisme et le mépris de l'autre, comme la fausse paix qui repose sur la force, la peur des armes... en un mot, le non-respect de la vie et de la personne humaine, nous pouvons dire tout haut que la proclamation de l'évangile a encore sa place parmi nous et qu'elle est toujours à poursuivre, que le témoignage évangélique n'est jamais limité par le temps, mais qu'il reste ouvert dans le temps, selon les paroles même de Jésus à ses disciples sur le mont des Oliviers : «*Cette Bonne Nouvelle le Royaume de Dieu, sera proclamée dans le monde ; tous les païens auront là un témoignage.*» Et accueillir l'évangile ou le vivre, c'est comprendre que Dieu ne veut que notre bien et notre bonheur, que je ne vis pas sans l'autre mais avec l'autre.

E mea faufaa mau

La îte te māōhi i te tumu mau o te ora, ia pāruru o ia i te ora e ia faatura i te taaëraa o te taata, ia vai mai to na reo... O te hoë ia mau ôhipa tumu i ravehia e te mau haapii-evaneria māta-mua i tae mai i ō tātou nei i te 5 no mati 1797, i te iōa o te Evaneria. Oia mau, afai i te parau a te Atua oia hoï i te parau āpī oaoa i te mau nūnaa taata i òre ā i taeāhia e te evaneria, o te tiātūriraa tumu ia, i roto i te aau o te Totaiete faatupuraa parau no Ronetona i te 18 o te tenetere. I tonohia mai ai taua pupu taata haapii-evaneria ra i Porinetia nei e i Patitifa nei, na niā i te pahi ra ia «Tarapu», i te matahiti 1997 hoi tātou e faahanahana ai i te 200 raa o te matahiti o tō te evaneria afai-raahia mai i ō tātou nei. I teie mahana oia hoï 199 matahiti i muri aè i tō te èvaneria poro-raa-hia i roto i tō tātou nūnaa e te mau haapii-evaneria papaa e e māōhi, e tiā roa ia tātou ia ui i roto ia tātou e, «E mea faufaa rā anei ia tamau-noa-hia ā te ôhipa pororaa evaneria i ō tātou nei i roto i teie nei ao». «Aita rā anei i tae i te hoë tau e tiā ai ia faataime-rii-hia te ôhipa pororaa evaneria i ō tātou nei». «E taoà faufaa mau rā anei te evaneria i roto e no te oraraa o te taata». O te taata taiō «Veā Porotetani» tatai-tahi terā e titauhia ra ia pahono i roto i to na āau i teie nei mau uiraa. Ia hiō anaè rā tātou i te mau ôhipa e tupu ra i roto i teie nei ao, i pihai iho ia tātou e i te atea ê, te mau totovāraa taata, te mau hāmani-ino-raa taata e te mau taparahiraa taata, te oraraa o te nūnaa i niuhia i niā i te parau no te haapaō-noa-raa ia na iho e no te mata-ê-raa i te tahi, te tiātūriraa i te hoë oraraa faatumuhia i niā i te parau no te puai, no te mataù e no te mau mauhaa-tamai ātomi e, e raau faataèro taata... eita tātou e hape ia parau e, i teie mahana, e mea tiā roa ia tamauhia ā te ôhipa faaiteraa evaneria i ō tātou.

édito

Eita tātou e hahī ia parau e, e eere te pororaa Evaneria i te hoë ôhipa o tei taōtiāhia i roto i te tau, o te hoë rā ôhipa o tei vai matara noa i roto i te tau. Mai tā letu i parau i tā na mau pipi i te hoë mahana i niā i te mouà i Oriveta : «E e parau-haerehia te èvaneria o te patireia nei e ati noa aè teie nei ao, ia îte te mau fenua atoà : o te hopeà ihora ia i reira ra. «E te fariiraa i te èvaneria i roto i tō tātou oraraa, o te iteraa ia e, o te ora o te taatoāraa o tā te Atua i hinaaro, e no tō na tiāturi rahi ia tātou e tono ai oia ia tātou mai tā na i tono mai i ō tātou nei, ua fata-ta e 200 matahiti i teie nei, i te hoë mau tāne e i te hoë mau vahine haapii-èvaneria. Ia au mai tā letu i tono i tā na mau pipi i muri aè i tō na tiāfaahouraa mai te pohe mai e hou aè tō na hoiraa i pihai iho i tō na Metua i te ao ra : «E teie nei, e haere outou e faariro i te mau fenua atoà ei pipi, a pāpetito atu ai ia rātou i roto i te iōa o te Metua, e no te Tamaiti, e no te Varua Moà, ma te haapii atu ia rātou i te haapaō i te mau mea atoà tāu i parau atu ia outou na, e inaha, tei pihai iho atoà iho ia vai ia outou, e tae noa atu i te hopeà o teie nei ao. Amene».

Jacques Ihorai